



Бейімдеу және тәлімгерлік орталығы туралы ереже

1. Жалпы ереже

1. Осы Бейімдеу орталығы туралы ереже «Халық денсаулығы және денсаулық сақтау жүйесі туралы» Қазақстан Республикасы Кодексінің 220-бабы 3-тармағының 3) тармақшасына сәйкес әзірленді және медициналық ұйымдардағы Бейімдеу және тәлімгерлік орталықтарының (бұдан әрі - Орталық) мақсаттарын, қызметін, функциялары мен өкілеттіктерін, сондай-ақ жауапкершілігін айқындайды.
2. Бейімдеу және тәлімгерлік орталығы туралы ереже медициналық ұйымның ресми интернет-ресурсында орналастырылады және барлық қызметкерлердің назарына жеткізіледі.
3. Орталық медициналық ұйымда құрылады және оның құрылымдық бөлімшесі болып табылады.
4. Орталық Қазақстан Республикасының Конституциясына, «Халық денсаулығы және денсаулық сақтау жүйесі туралы» Қазақстан Республикасының Кодексіне, Қазақстан Республикасының Еңбек кодексіне, Қазақстан Республикасының өзге де нормативтік құқықтық актілеріне, сондай-ақ Үлгілік ережеге және медициналық ұйымның ішкі құжаттарына сәйкес жұмыс істейді.
5. Орталық қызметінің негізгі мақсаты дәрігерлерді, орта және кіші медициналық қызметкерлерді қоса алғанда, медицина қызметкерлерінің біліктілігін, кәсіби құзыреттілігін және көрсетілетін медициналық қызметтердің сапасын арттыру мақсатында олардың кәсіби бейімделуі мен тәлімгерлік жүйесін ұйымдастыру болып табылады.
6. Алға қойылған мақсатты іске асыру үшін Орталық мынадай қызмет бағыттарын жүзеге асырады:
 - 1) бейімделу;
 - 2) тәлімгерлік;
 - 3) кәсіптік дағдыларды дамыту;
 - 4) психологиялық қолдау;
 - 5) бағалау және мониторинг.
7. Орталық өз қызметін медициналық ұйымның бейінді құрылымдық бөлімшелерімен, білім беру мекемелерімен, мемлекеттік органдармен, денсаулық сақтау саласындағы қоғамдық және кәсіптік бірлестіктермен тығыз өзара іс-қимылда жүзеге асырады.

2. Орталықтың қызметін ұйымдастыру

8. Орталыққа басшылықты Орталықтың басшысы немесе оның міндетін атқарушы тұлға жүзеге асырады.

9. Орталықтың штаты:

- 1) Бағыттарды үйлестірушілер (бейімдеу, тәлімгерлік, оқыту, психологиялық қолдау);
- 2) Тәлімгерлер (іріктеу өлшемдеріне сәйкес анықталады).

3. Орталықтың функциялары мен өкілеттіктері

10. Орталықтың функциялары:

- 1) жас мамандар үшін тәлімгерлік бағдарламаларын әзірлеу және іске асыру;
- 2) кіріспе тренингтерді, корпоративтік мәдениетпен, медициналық ұйымның құрылымымен, лауазымдық міндеттерімен танысуды, тренингтер мен экскурсияларды қоса алғанда, жаңа қызметкерлерді бейімдеу жөніндегі іс-шараларды ұйымдастыру;
- 3) тәлімгерлер пулын қалыптастыру, олардың қызметін үйлестіру, тәлімгерлердің қамқорлықтағылармен тұрақты кездесулерін қамтамасыз ету, жас мамандарды сүйемелдеу;
- 4) медициналық көмектің жаңа технологиялары мен стандарттарын қолдануды қоса алғанда, диагностиканың, емдеудің қазіргі заманғы әдістері мен басқару дағдылары бойынша мамандандырылған тренингтер мен оқыту өткізу, тәжірибе алмасу үшін тұрақты кездесулер, семинарлар мен тренингтер өткізу;
- 5) стрессті азайту және эмоционалдық шаршауды болдырмау үшін кәсіби психологтармен жеке консультациялар мен топтық сессияларды қоса алғанда, психологиялық қолдау жөніндегі іс-шараларды ұйымдастыру;
- 6) бейімдеу және тәлімгерлік бағдарламаларының тиімділігін мониторингілеу және бағалау, жас мамандардың құзыреттерін дамытуды тұрақты бағалау;
- 7) Орталықтың іс-шараларын өткізу жөніндегі құжаттаманы жүргізу;
- 8) атқарылған жұмыс туралы есептер дайындау және тәлімгерлік бағдарламаларын жақсарту бойынша ұсыныстар енгізу.

11. Орталық құқылы:

- 1) тәлімгерлік пен бейімделудің жаңа бағдарламаларын әзірлеуге бастамашылық жасауға;
- 2) өз функцияларын орындау үшін қажетті ақпаратты сұратуға;
- 3) оқыту іс-шараларын жүргізу үшін сыртқы сарапшылар мен мамандарды тартуға.

12. Орталық міндетті:

- 1) тәлімгерлік және бейімдеу бағдарламаларының уақтылы және сапалы іске асырылуын қамтамасыз етуге міндетті.;
- 2) өз қызметі туралы есептілікті ұсынуға;
- 3) дербес деректердің құпиялылығы мен қорғалу талаптарын сақтауға міндетті.

4. Жауапкершілік

13. Орталық осы Үлгілік ережеде көзделген қызметтің негізгі бағыттары мен функцияларының сапалы орындалуы үшін жауапты болады.

14. Орталықтың басшысы немесе оның міндетін атқарушы адам, сондай-ақ Орталықтың қызметкерлері ұсынылатын ақпараттың дұрыстығы мен тәлімгерлік және бейімдеу бағдарламалары шеңберінде өз қызметінің нәтижелері үшін жауап береді.

5. Қорытынды ережелер

15. Осы Ережені ұйымның басшысы бекітеді және ол бекітілген күннен бастап күшіне енеді.

16. Осы Ережеге өзгерістер мен толықтырулар Қазақстан Республикасының заңдарында белгіленген тәртіппен енгізіледі.